

Liña 53, onde di: «o parágrafo a) do número 1 do artigo 117», debe dicir: «a letra a) do número 1 do artigo 117».

Liña 55, onde di: «o parágrafo e) do número 1 e o número 5 do artigo 124»; debe dicir: «a letra e) do número 1 e o número 5 do artigo 124».

Liña 64, onde di: «o último inciso do parágrafo f) do artigo 141.»; debe dicir: «o último inciso da letra f) do artigo 141».

Liña 76, onde di: «os parágrafos a), b) e c) do artigo 149»; debe dicir: «as letras a), b) e c) do artigo 149».

Liña 80, onde di: «o último inciso do primeiro parágrafo do punto 2.c), do artigo 159»; debe dicir: «o último inciso do primeiro parágrafo do número 2, letra c), do artigo 159».

Liña 90, onde di: «o artigo 182.g), parágrafo segundo, e o artigo 182.h), derradeiro inciso»; debe dicir: «o artigo 182, letra g), parágrafo segundo, e o artigo 182, letra h), derradeiro inciso».

Liña 99, onde di: «os parágrafos a) e b) do artigo 192»; debe dicir: «as letras a) e b) do artigo 192».

Liña 106, onde di: «o artigo 210.f), parágrafo segundo, e o artigo 210.g), derradeiro inciso»; debe dicir: «o artigo 210, letra f), parágrafo segundo, e o artigo 210, letra g), derradeiro inciso».

Liña 109, onde di: «os parágrafos a), b) e d) do artigo 214»; debe dicir: «as letras a), b) e d) do artigo 214».

MINISTERIO DE TRABAJO E ASUNTOS SOCIAIS

17128 *CORRECCIÓN de erros do Real decreto legislativo 5/2000, do 4 de agosto, polo que se aproba o texto refundido da Lei sobre infraccións e sancións na orde social.* («BOE» 228, do 22-9-2000.)

Advertidos erros no texto do Real decreto legislativo 5/2000, do 4 de agosto, polo que se aproba o texto refundido da Lei sobre infraccións e sancións na orde social, publicado no «Boletín Oficial del Estado» suplemento núm. 9 en lingua galega, do 19 de agosto de 2000, cómpre efectuar as oportunas modificacións:

Na páxina 648, primeira columna, artigo 23, número 2, parágrafo terceiro, liña cuarta, onde di: «... a que se refire o número 1 anterior ...», debe dicir: «... a que se refire o número 1,a), anterior ...».

Na páxina 653, primeira columna, artigo 47, número 5, liña terceira, onde di: «... artigo 48.5 desta lei ...», debe dicir: «... artigo 48.4 desta lei ...».

Na páxina 654, segunda columna, artigo 52, número 2, liña segunda, onde di: «... artigo 48.5 desta lei ...», debe dicir: «... artigo 48.4 desta lei ...».

Na páxina 655, primeira columna, disposición derogatoria única, número 2,c), última liña, onde di: «... e os artigos 45 a 52.», debe dicir: «e do artigo 45, excepto os parágrafos terceiro e cuarto do seu número 1, ó 52.».

MINISTERIO DE AGRICULTURA, PESCA E ALIMENTACIÓN

17596 *REAL DECRETO 1660/2000, do 29 de setembro, polo que se modifica o regulamento da Lei 38/1994, do 30 de decembro, reguladora das organizacións interprofesionais agroalimentarias, aprobado polo Real decreto 705/1997, do 16 de maio.* («BOE» 235, do 30-9-2000.)

O Regulamento (CE) 104/2000 do Consello, do 17 de decembro de 1999, polo que se establece a organización común de mercados no sector dos produtos da pesca e da acuicultura, regula no seu título III, organizacións e acordos interprofesionais, as condicións de concesión e retirada do recoñecemento e as relativas ós acordos, decisións e prácticas concertadas das organizacións interprofesionais.

O papel que a nova organización común de mercados lles outorga ás interprofesionais pesqueiras, das que o recoñecemento e aprobación de extensión de normas é competencia dos estados membros, require o incremento da participación das organizacións pesqueiras e das Comunidades Autónomas no Consello Xeral de Organizacións Interprofesionais Agroalimentarias, ó que o artigo 15.3 da Lei 38/1994, do 30 de decembro, reguladora das organizacións interprofesionais agroalimentarias, modificada pola disposición adicional primeira da Lei 13/1996, do 30 de decembro, de medidas fiscais, administrativas e da orde social, encomenda, entre outras, as funcións de informar preceptivamente o recoñecemento e a extensión de normas das interprofesionais.

Por outra banda, considérase conveniente adaptar a representación do Ministerio de Agricultura, Pesca e Alimentación, de conformidade co previsto no Real decreto 1282/2000, do 30 de xuño, polo que se modifica e desenvolve a estrutura orgánica básica do Ministerio de Agricultura, Pesca e Alimentación.

Como consecuencia da adscrición do Instituto Nacional de Investigación e Tecnoloxía Agraria e Alimentaria ó Ministerio de Ciencia e Tecnoloxía, en virtude do Real decreto 557/2000, do 27 de abril, de reestructuración dos departamentos ministeriais, redúcense de catro a tres os vocais representantes do Ministerio de Agricultura, Pesca e Alimentación, asignándose un representante ó Ministerio de Ciencia e Tecnoloxía, sen que iso supoña ningún cambio na representación global da Administración xeral do Estado.

Esta disposición dítase ó abeiro da habilitación contida no artigo 149.1.13.^a da Constitución, que lle atribúe ó Estado a competencia exclusiva en materia de bases e coordinación da planificación xeral da actividade económica.

Na tramitación deste real decreto foron consultados as Comunidades Autónomas e o sector afectado.

Na súa virtude, por proposta do ministro de Agricultura, Pesca e Alimentación, coa aprobación do ministro de Administracións Públicas, de acordo co Consello de Estado e logo de deliberación do Consello de Ministros na súa reunión do día 29 de setembro de 2000,

DISPONGO:

Artigo único. *Modificación do regulamento da Lei 38/1994, do 30 de decembro, reguladora das organizacións interprofesionais agroalimentarias.*

Modifícase o regulamento da Lei 38/1994, do 30 de decembro, reguladora das organizacións interprofesionais.

sionais agroalimentarias, aprobado polo Real decreto 705/1997, do 16 de maio, da seguinte forma:

1. O artigo 23 queda redactado como segue:

«Artigo 23. *Composición.*

1. O Consello Xeral de Organizacións Interprofesionais Agroalimentarias, como órgano colexiado adscrito ó Ministerio de Agricultura, Pesca e Alimentación, actuará en Pleno e en Comisión Permanente.

2. O Pleno do Consello Xeral de Organizacións Interprofesionais Agroalimentarias estará integrado por:

a) Presidente: o ministro de Agricultura, Pesca e Alimentación.

b) Vicepresidente: o subsecretario de Agricultura, Pesca e Alimentación.

c) Vocais:

1.º Tres representantes do Ministerio de Agricultura, Pesca e Alimentación, un dos cales será o director xeral de Alimentación.

2.º Un representante do Ministerio de Ciencia e Tecnoloxía.

3.º Un representante do Ministerio de Economía.

4.º Un representante do Ministerio de Sanidade e Consumo.

5.º Sete representantes das Comunidades Autónomas.

6.º Seis representantes das organizacións profesionais agrarias.

7.º Dous representantes das organizacións de cooperativas agrarias.

8.º Catro representantes das organizacións pesqueiras.

9.º Seis representantes das organizacións da industria e do comercio agroalimentario.

10. Un representante das organizacións de consumidores.

Actuará como secretario un funcionario do Ministerio de Agricultura, Pesca e Alimentación.

3. A Comisión Permanente estará integrada por:

a) Presidente: o subsecretario de Agricultura, Pesca e Alimentación.

b) Vicepresidente: o director xeral de Alimentación.

c) Vocais:

1.º Dous representantes do Ministerio de Agricultura, Pesca e Alimentación.

2.º Catro representantes das Comunidades Autónomas.

3.º Tres representantes das organizacións profesionais agrarias.

4.º Un representante das organizacións de cooperativas agrarias.

5.º Dous representantes das organizacións pesqueiras.

6.º Tres representantes das organizacións da industria e do comercio agroalimentario.

Actuará como secretario o secretario do Consello.»

2. No artigo 31.1. a cláusula 2.ª queda redactada do seguinte teor:

«2.ª Os representantes das Comunidades Autónomas serán propostos polas súas respectivas administracións.

O dereito a representación para cada período das Comunidades Autónomas exercerase de acordo cos seguintes criterios:

a) As dúas Comunidades Autónomas con maior contribución ó produto interior bruto (PIB) agroalimentario nacional.

b) As dúas Comunidades Autónomas con maior importancia relativa medida en PIB agroalimentario, para todos aqueles sectores nos que haxa recoñecidas organizacións interprofesionais agroalimentarias e non estean incluídas no suposto previsto na letra a).

c) A Comunidade Autónoma con maior contribución ó PIB pesqueiro nacional non incluída nos supostos previstos nas letras a) e b) anteriores.

d) As dúas Comunidades Autónomas que non estivesen representadas no Consello en períodos anteriores, atendendo ós criterios previstos nas letras anteriores e seguindo a orde alfabética en castelán.»

Disposición derradeira única. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 29 de setembro de 2000.

JUAN CARLOS R.

O ministro de Agricultura, Pesca e Alimentación,
MIGUEL ARIAS CAÑETE

MINISTERIO DE SANIDADE E CONSUMO

17597 REAL DECRETO 1662/2000, do 29 de setembro, sobre produtos sanitarios para diagnóstico «in vitro». («BOE» 235, do 30-9-2000.)

A Lei 14/1986, do 25 de abril, xeral de sanidade, atribúelle á Administración do Estado, no seu artigo 40.5, a regulamentación, autorización e rexistro ou homologación, segundo proceda, daqueles produtos e artigos sanitarios que, ó afecta-lo ser humano, poidan supor un risco para a saúde das persoas. O artigo 110 desta mesma lei encoméndalle á Administración sanitaria do Estado valora-la seguridade, eficacia e eficiencia das tecnoloxías relevantes para a saúde e a asistencia sanitaria.

Pola súa parte, a Lei 25/1990, do 20 de decembro, do medicamento, no seu artigo 1.3, declara ter por obxecto, entre outros, a regulación dos principios, normas, criterios e esixencias básicas sobre a eficacia, seguridade e calidade dos produtos sanitarios, ós que define no seu artigo 8.12, xa que, como sinala a súa exposición de motivos, teñen que alcanzar idénticos fins que aqueles que a lei pretende para os medicamentos. Esta lei faculta o Goberno, na súa disposición adicional terceira, número 2, para determinar aqueles produtos sanitarios que teñan que ser autorizados, homologados ou certificados polo Estado, en razón do seu especial risco ou transcendencia para a saúde.

Ámbalas leis son desenvolvidas polo presente real decreto.

A regulación dos produtos sanitarios de diagnóstico «in vitro» levouse a cabo na Unión Europea mediante